

歷代輿地沿革圖
六

北魏地形志圖
北齊疆域圖
西魏疆域圖
北周疆域圖

北魏地形志

	西				中				東				
	六	五	四	三	二	一	六	五	四	三	二	一	四
							3	2	1				
							6	5	4				
							15	14	13				
							25	24	23				
							26	27	28	29	30	31	22
							33	34	35	36	37	38	39
							41	42	43	44	45	46	
							48	49	50	51	52	53	
							55	56	57	58	59	60	
							62	63	64	65	66	67	
							69	70	71	72	73	74	
							75	76	77	78	79	80	
									81	82	83	84	
									85	86			

南 八 九 十 十一 十二 十三 十四
 一 二 三 四 五 六 七 八

宣統庚戌
刑于武昌

北魏地形志貌似高簡然有略所不當略而詳所不
當詳者元魏土宇以太和爲極盛孝昌始多陷沒而
志但錄天平武定之復置其未經收復者概從闕如
至與紀傳不符如東秦州龍州東荆州南荆州明晃
紀傳及隋志諸書者而亦漏之其他郡縣之俄空尤
難指數此略所不當略也郡縣遷徙拓跋爲甚亦或
地仍故土度屬尤多而前後重載使讀者疑爲兩地
如荆州之襄城郡所領方城邾城伏城舞陰清水翼
陽鄭北平猪陽九縣孝昌中析荆州置襄州其襄城
郡所領惟少清水鄭北平三縣清水鄭當廢北平餘別爲北南陽郡治餘
六縣皆同當仍是荆州襄城郡故縣而荆州之襄城
郡無注襄州之襄城郡乃注肅道成置魏因之故爲
錯綜使人知此襄城郡卽荆州之襄城郡然而迂矣
更有事不師古失於限斷如京兆平原兩載陰槃縣
而所注沿革並同乃知平原之陰槃卽京兆之陰槃
志只當於平原下注二漢屬安定後移置屬京兆眞
君七年省太和十一年復屬乃京兆平原兩載殊爲
複衍又如漢北地之富平魏文帝郡縣皆移於馮翊
而注云有北地城是以隴右之故城虛稱於闕中尤
爲蒙混其他本一郡一縣而前後別屬者皆分載之

不可勝紀此詳所不當詳也張穆有延昌地志未得見又況自宋以來版本闕誤識者病焉既囑熊君會貞爲圖並校補札記於左

宣統庚戌四月宜都楊守敬記時年七十有二

巴州原闕郡縣

大谷郡

隋志清化郡舊曰巴州寰宇記巴州下後魏正始元年梁州刺史夏侯遷以其地內屬於是分其地於漢昌縣理所置大谷郡延昌三年於大谷郡北置巴州則後魏巴州確有大谷郡

北魏地形志札記

二

其章郡符陽縣

隋志符陽舊置其章郡開皇初廢寰宇記後魏正始中置其章郡領符陽縣無人戶寄理梁州則後魏確有其章郡符陽縣

北水郡難江縣

寰宇記清化縣廢盤道縣在縣東四十里宋末於今縣西南十里置北水郡置難江縣宋志無此蓋脫梁末其地內屬魏恭帝三年改難江爲盤道隋罷郡唐自故城移縣於今理旋廢則後魏確有北水郡難江縣洋川其章平桑三郡

寰宇記集州後魏景明中據梁武紀天監三年二月魏陷梁州其年正月魏已改景明為正始此於巴嶺南置洋川其章平桑三郡則後魏確有此三郡

漢興縣

隋志西流後魏曰漢興西魏改焉興地廣記同開江則後魏確有漢興縣

南梁州原闕郡縣郡無考

漢昌縣

齊志北巴西郡有漢昌縣隋志蒼溪舊曰漢昌開皇末改名焉則後魏確有漢昌縣

始興縣

通典晉宋曰晉興後魏曰始興舊唐志興地廣記同元和志亦云後魏改晉興為始興寰宇記後魏武帝改為始興縣按始興去南梁州頗遠以舊說為後魏武帝所改之縣姑附此

後魏書獠傳正始中夏侯道遷舉漢中內附後朝廷以梁益二州控攝險遠乃立巴州正始二年邢郡立巴州事未及行據寰宇又立隆城鎮孝昌中魏子建啟以鎮為南梁州此巴州南梁州建置之始以隋志考之清化郡舊曰巴州即此巴州也巴

西郡梁置南梁北巴州此雙頭州故梁絕但作南梁州通典但作北巴州

卽此南梁州也但按後魏書邢巒傳巴西平以李仲遷守之遷謀叛巴西旋沒梁武紀天監八年四

月以北巴西郡置南梁州張齊傳初南鄭沒於魏

乃於益州西置南梁州又云天監十七年齊遷南

梁州刺史是巴西由梁入魏尋復歸梁置南梁州

亦稱北巴州及魏延昌中置巴州於大谷前孝昌

中置南梁州於隆城蓋與梁對立而南梁北巴之

故城則非魏有也且卽隋志清化巴西二郡所領

之縣證以元和志引見輿地紀勝寰宇記諸書當時地多

北魏地形志札記

四

屬梁亦不得以隋二郡之地概爲後魏之地故酌

錄之

鄯州原闕郡縣

澆河郡

元和志南涼禿髮烏孤以河南地置澆河郡寰宇記

引周地圖記後魏太平眞君十六年置洮河郡屬鄯

州西魏書據作澆河郡則後魏鄯州確有澆河郡

西都縣

隋志澆水舊曰西都開皇十八年改曰澆水寰宇記

澆水縣後魏於此置鄯州改破羌爲西都縣則後魏

確有西都縣

廣威縣 石城縣

隋志化隆縣舊魏曰廣威仁壽初改爲化隆寰宇記

引周地圖記云後魏景明三年置石城縣廢帝二年

因縣內化隆谷改爲化隆縣兩說不同然足證後魏

有廣威石城二縣故元和志云化城縣本後魏石城

縣又云米川縣本前涼張天錫於此置邯川戍後魏

孝昌二年於戍城置廣威縣按水經河水注河水東

逕石城南河水又東逕邯川城南卽後魏石城廣威

二縣治所也河水注河水逕廣威縣隔河非一地其

浩亶縣

隋志涅水有舊浩亶縣後周廢按浩亶漢縣至周始

廢則後魏確有浩亶縣

北金城縣

隋志龍支後魏曰北金城西魏改焉元和志龍支縣

後魏初於此置金城縣廢帝二年改名龍支寰宇記

後漢爲龍耆縣後魏武帝改爲金城縣廢帝二年改

爲龍支輿地廣記東漢爲龍耆縣元魏改曰北金城

西魏改曰龍支則後魏確有北金城縣元和志寰宇

記但作金城省文耳

廣武郡廣武縣

隋志允吾後魏置曰廣武及置廣武郡開皇初郡廢改縣曰邑次按諸地志皆言前涼置廣武郡隋志謂後魏置稍誤然後魏有此郡則無疑又元和志寰宇記輿地廣記並謂隋廢廣武郡為廣武縣考前涼合令居枝陽永登三縣立廣武郡晉志至後魏三縣並廢因置廣武縣為郡治則隋志謂後魏置縣為得其實瓜州原闕郡縣

敦煌郡敦煌縣 效穀郡效穀縣 壽昌郡龍

勒縣

北魏地志札記

六

隋志敦煌舊置敦煌郡後周併效穀壽皇當作一郡

入焉又併敦煌鳴沙平康效穀東鄉龍勒六縣為鳴

沙縣鳴沙平康東鄉三縣無考按寰宇記後魏平北

涼敦煌郡仍舊不改燉煌縣本漢舊縣後周改燉煌

為鳴沙縣則後魏確有敦煌郡敦煌縣輿地廣記效

穀縣元魏立效穀郡輿地廣記稱後魏曰元後周郡

縣皆廢則後魏確有效穀郡效穀縣寰宇記謂後魏

正始三年改龍勒為壽昌誤輿地廣記龍勒縣元魏

立壽昌郡後周郡縣皆廢則後魏確有壽昌郡龍勒

縣

晉昌郡

元和志晉置晉昌郡周武帝改爲永興郡寰宇記同則後魏確有晉昌郡

常樂郡涼興縣 廣至縣 冥安縣 淵泉縣

隋志常樂後魏置常樂郡後周併涼興大隋避諱改

至冥安閩唐避諱改 淵爲閩 泉合爲涼興縣按元和志後魏

明帝置常樂郡則後魏確有此郡涼興縣見十六國

春秋寰宇記其廣至冥安淵泉皆漢舊縣至後周併三

縣入涼興則後魏確有此四縣

會稽郡 廣夏郡 會稽縣 新鄉縣

北總地形志札記

七

隋志玉門後魏置會稽郡後周郡廢併會稽新鄉延

興爲會稽縣寰宇記涼昭武王以南人置會稽郡以

中州人置廣夏郡至後周初併之復爲晉昌郡則後

魏確有會稽廣夏二郡會稽新鄉俱晉時立惟延興

無考周併新鄉延興人會稽則後稽確有新鄉等縣

玉門郡

隋志玉門縣併得後魏玉門郡地元和志孝明帝改玉門縣爲玉門郡周武帝省入會稽縣則後魏確有

玉門郡

酒泉郡 禮祿縣

隋志福祿舊置酒泉郡開皇初郡廢元和志後魏太

武帝平沮渠氏以酒泉爲軍屬敦煌鎮明帝孝昌中

改鎮立瓜州復置酒泉郡寰宇記又云漢福祿縣屬

酒泉郡自漢至隋不改則後魏確有酒泉郡福祿縣

據元和志酒泉先爲軍屬敦煌則酒泉郡屬瓜州

樂涑縣

元和志漢樂涑屬酒泉郡後魏太武帝平沮渠茂虔

改縣爲戍隸敦煌鎮孝文帝改爲樂涑縣則後魏確

有樂涑縣

隋志謂後周置樂涑縣誤

以下地形志原漏

北總地形志札記

八

斤城縣 屬南汾州定陽郡

隋志文城郡有文城縣云後魏置元和志文城縣後

魏孝文帝於此置斤城縣屬定陽郡開皇十六年改

斤城爲文城縣寰宇記同按地形志南汾州定陽郡

無文城縣亦無斤城縣今從元和志寰宇記補斤城

燕州廣寧郡廣寧縣

魏書穆熙傳太和十六年除燕州刺史鎮廣寧水經

灤水注灤水東逕下洛縣故城南魏燕州廣寧縣廣

寧郡治地形志東燕州下言太和中分恆州東部置

燕州孝昌中陷而不及郡縣據此知燕州所領有廣

寧郡廣寧縣

平原僑郡屬燕州

水經灤水注涿水東逕平原郡南魏徙平原之民置

此故立僑郡以統流雜則後魏確有平原僑郡

桑乾郡屬恆州

水經灤水注桑乾水枝津東南流逕桑乾郡北大魏

因水以立郡受厥稱焉魏書靈徵志有恆州之桑乾

郡北齊書張纂傳父烈桑乾太守隋志善陽有後魏

桑乾郡則後魏確有此郡

大興郡五原縣屬靈州

北魏地形志札記

九

隋志五原縣後魏置郡曰大興西魏改爲五原震宇

記後魏太武平赫連昌之後置大興郡至西魏改爲

五原郡輿地廣記五原縣漢馬領縣地後置五原縣

元魏立大興郡則後魏確有大興郡五原縣 地形

志靈州注太延二年置薄骨律鎮孝昌中改後陷關

西天平中置寄治汾州隰城縣界郡縣闕此故靈州

所領之郡縣也

下縣屬兗州魯郡

張猛龍碑陰有督汶陽弁二縣令又有弁縣令董文

定又有弁縣族望某碑立於正光三年弁卽下縣

則後魏魯郡確有下縣

甘棠縣屬陽州宜陽郡

隋志壽安縣後魏置縣曰甘棠仁壽四年改焉元和志壽安縣後魏分新安置甘棠縣輿地廣記云後魏

置甘棠縣則後魏確有甘棠縣

渭南郡南新豐縣屬雍州

隋志渭南縣後魏置渭南郡元和志渭南縣後魏孝明帝於今縣東南四里置渭南郡及南新豐縣寰宇記渭南縣後魏孝昌三年於今縣東四里明光原上置渭南郡及南新豐縣則後魏確有此郡縣

北魏地形志札記

十

苑川縣

屬岐州武都郡

北史魏蘭根傳從行臺蕭寶夤破宛川隋志陳倉後

魏曰宛川西魏改曰陳倉寰宇記寶雞縣引周地圖

記陳倉縣晉末廢苻姚時於縣界置宛川縣魏大統

十六年移苑川縣入漢陳倉故城復為陳倉縣則後

魏確有宛川縣

安陽郡安陽烏水二縣屬秦州

隋志長川後魏置安陽郡領安陽烏水二縣下接西

魏云云則後魏確有此郡及二縣

東秦州隴東郡汧縣

元和志後魏置東秦州西魏文帝改名隴州寰宇記

魏於今汧源縣界置隴東郡孝明帝正光三年兼置

東秦州於故汧城孝昌三年為万俟醜奴所破孝武

永熙元年於今隴州東南八里復置東秦州仍於州

所理置汧縣又云廢帝改汧為汧陰隋志西魏置汧陰縣是後

魏仍曰汧縣則後魏確有東秦州隴東郡地形志滎

領滎陽滎陽居汧源隋志汧源西魏置隴東郡又有

夷三縣非此地汧縣西魏東秦州後改為隴州西魏

之誤

並後魏

長蛇縣屬東秦州隴東郡

隋志南由有舊長蛇縣開皇末廢元和志後魏孝昌

北魏地形志札記

十一

二年於長蛇川置長蛇縣屬東秦州寰宇記後魏孝

昌二年於今南由界長蛇川置長蛇縣屬東秦州則

後魏確有長蛇縣

梁泉縣

兩當縣並屬南岐州固道郡

地形志固道郡無領縣按隋志梁泉後魏置郡曰固

道縣曰涼泉尋改曰梁泉元和志後魏太和元年置

梁泉縣屬固道郡輿地廣記元魏置固道郡及梁泉

縣則後魏固道郡確有梁泉縣又元和志寰宇記並

云後魏固道郡領兩當廣鄉二縣隋志云兩當後魏

置及置兩當郡開皇初郡廢按水經漾水注廣香川

水南注故道水謂之廣香交不言廣鄉縣尚婆水厯兩當縣之尚婆城南魏故道郡治也則兩當屬固道郡而無兩當郡廣鄉縣與兩當郡蓋西魏置而後魏固道郡有兩當縣則無疑也

白石縣 栗亭縣並屬南岐州廣業郡

隋志同谷舊曰白石置廣業郡西魏改曰同谷元和

志後魏宣武帝於此置廣業郡並白石縣恭帝改白

石爲同谷寰宇記後魏正始中置廣業郡領白石栗

亭二縣恭帝改白石爲同谷則後魏廣業郡確有白

石縣且有栗亭縣並未廢省而地形志廣業郡領廣

北魏地形志札記

十二

安廣化二縣無白石栗亭二縣其爲脫漏無疑 又

水經漾水注云濁水東逕武街城南今廣業郡治濁

水又東逕白石縣南亦廣業郡有白石縣之確證

興安縣屬益州東晉壽郡

宋志齊志晉壽郡有興安縣隋志及元和志寰宇記

並言興安至開皇十八年始改爲縣谷則後魏有興

安縣無疑地形志東晉壽郡無此縣而有黃縣無考

當卽興安之脫誤與黃

宋安縣屬益州宋熙郡

紀勝引元和志宋立宋安縣後魏改岐坪寰宇記宋

置宋安縣屬宋熙郡西魏改岐坪則後魏宋熙郡確
有宋安縣

龍州北陰平郡陰平縣

隋志陰平宋置北陰平郡魏置龍州西魏改郡爲陰
平是明明以龍州爲後魏置矣而地形志不載龍州
亦不載北陰平郡陰平縣晉置東疏矣

平武郡 平洛郡 南陽僑郡 始平僑郡
並屬龍州

水經漾水注清水出平武郡東北厯平洛郡東南又
南逕南陽僑郡東北又東南逕始平僑郡南涪水注

北魏地形志札記

十三

亦云建始水發平洛郡西溪是後魏確有此四郡而
地形志無平武平洛南陽等郡但有始平縣亦不言
立郡知其遺失多矣

長松縣屬龍州平武郡

水經漾水注白馬水出長松縣西南白馬溪是後魏

已有長松縣隋志云開皇十八年改建昌縣爲長松
蓋縣中廢而隋改復舊名趙一清據隋志疑水經注

有隋唐間人附益然如平武平洛南陽始平等郡並
載水經注而不見於隋志則又何說今以鄙書爲據

建陽郡秦輿縣屬龍州

水經漾水注白水東南逕建陽郡東隋志方維舊曰秦興置建陽郡開皇初郡廢縣改名焉則後魏確有建陽郡秦興縣

江油郡屬龍州

隋志江油縣後魏置江油郡寰宇記孝武帝得其地置江油郡是後魏確有此郡而地形志不載豈永熙箱籍偶缺此郡歟 以上郡縣皆與龍州近其屬龍州無疑是地形志龍州全脫較之巴南梁等州其亡佚尤甚也

豐寧郡豐寧縣屬梁州

元和志後魏宣武帝正始中於豐寧戍置豐寧郡寰宇記後魏正始中廢西鄉縣仍於今西鄉縣西五十里豐寧戍置豐寧郡及豐寧縣則後魏確有此郡縣

長樂縣屬梁州晉昌郡

寰宇記石泉縣梁武帝立晉昌郡治王水口夏侯道遷以梁州人魏移晉昌郡於所領長樂縣東陽村卽今石泉縣理是也則後魏確有長樂縣

顯美縣屬涼州武威郡

隋志姑臧舊有顯美縣後周廢按顯美爲漢縣至後周始廢則後魏確有此縣

山丹縣屬西郡永寧縣屬梁州

隋志刪丹後魏曰山丹又有西郡永寧縣西魏郡廢縣改爲弱水後周省入山丹輿地廣記略同則後魏

確有山丹縣及西郡永寧縣

蘭池萬歲仙提三縣並屬涼州西郡

舊唐志晉分刪丹置蘭池萬歲仙提三縣煬帝併入刪丹寰宇記略同則後魏確有此三縣

魏安郡屬涼州

隋志昌松有後魏魏安郡後周改置白山縣寰宇記漢撲剝縣後爲魏安隋省則後魏確有魏安郡

北魏地形志札記

十五

張掖郡永平縣屬涼州

寰宇記後魏太武平涼以爲張掖軍太和十一年改軍爲郡輿地廣記元魏置張掖郡下句云西魏隋志

謂後周置張掖郡誤又元和志漢鑿得縣晉改名永

平隋開皇三年改永平爲酒泉則後魏確有張掖郡

永平縣據寰宇記甘州魏大統十二年分涼州以

西張掖之地爲西涼州則後魏張掖郡屬涼州

城中縣屬東夏州朔方郡

元和志城平縣後魏孝明帝於今縣西三十里庫仁川置城中縣隋改爲城平縣寰宇記廢城平縣後魏